



لجنة أهالي المخطوفين والمفقودين في لبنان

علم وخبر ٢٩/أد

١- أنا والحرب: 1975- 1990 ، أوقعت ١٤٤,٢٤٠ قتيلاً، ١٨٤,٠٥١

جريحاً، ٤١٥,١٧ مفقوداً، ٤٥٥,١٣ معوقاً جسدياً... (النهار وفقاً
لمصادر قوى الأمن الداخلي ١٩٩٢/٣/٥) تذكر تما تعداد

هيدي مش أول مرة بجامعتكن بجي تا احكي بموضوع الحرب. يمكن قسم منكن بيعرف اشيا عنها وقسم ما بيعرف.
حرب إنتو ما عشوها، بس أهلكن ونحنا عشناها، وعانينا منها.. إنتو ورثتوا نتايجها. .

توقفت الحرب مبدئياً من ٢٧ سنة. بس نحنا بعدنا لليوم عم نعاني لأنو الحرب عتاً بعد ما خلصت.
مين نحنا؟ أنا، وكثار غيري بهالبلد يلي سرقت منّا الحرب ناس منحين وبيحبونا.. ولهلاً ما منعرف وين، ولا
منعرف إذا بعدن طبيين أو ماتوا!!

بعرف الموضوع حزين وبيقفل عالقلب. بس بعنقد لازم تعرفوه. أو إنتو خبروني بس خلص إذا لازم تعرفوه.
رح بلش بحالي. كنا أنا وعدنان عم نحضر الغدا بالمطبخ. زياد وغسان (٦ سنين و٣ سنين) بأوضة القعود عم
يحضروا فيلم. بيندق الباب، ٢ مسلحين بياخدوا عدنان بحجة التحقيق بحادث سيارة (لم يحصل) وإنو بعد ٥ دقائق
بيرجع.

صار مارق ٣٥ سنة وشهر، عدنان بعدو ما رجع..أنا وزياد وغسان بعدنا ناظرين. وصار ناظر معنا ناس جداد
لأنو ولادي تزوجوا وصار عندن ولاد.
الحقيقة، من أصعب الأشياء بالحياة إنك تعيش ناظر حدا يتحبو وما يجي. بيعمك وجع ما بيخلص. كلكن بتعرفو
الكابوس بيقف بس نفيق، الوجع بيوزل بعد ما ناخذ مسكن، حتى بحالة الموت منعمل الحداد ومنستأنف حياتنا
وأشغالنا..بس مع المفقود الألم بيلازمك وما بينتهي!!

٢- أنا والنسوان والحرب، ولادة لجنة أهالي المخطوفين والمفقودين: ١٧ تشرين الثاني سنة ١٩٨٢

هلق رح خبركن تاريخ: من خمسة تلاتين سنة، عملت نداء بالراديو للناس اللي انخطفن حدا تانتلاقي..
هالنداء عملتو بعد ما كان مارق شهر تقريباً عا خطف عدنان. بالأول كنت بلشت اركض لوحدي، من زعيم، لرئيس،
لنايب، لرئيس حكومة تا يساعوني..كل شي طلع منن كلام بيشبه بعضو: "يا حرام.. الله يساعذك بعدك صبيبة
صغيرة.. عا كل حال في ناس متلك اجو تشكو.." طيب، مين هالناس؟ ما حدا منن قدر يعطيني ولو اسم واحد..!!

ساعتنا فگرت انو لو بلاقي تنين متلي، بس يكونو أطول مني وأكبر، منصير أقوى ومنشوف شو فينا نعمل سوا،
وميشان هيك عملت النداء.

وقت جيت عالموعد، لقيت أكثر من ١٠٠ مرا مجمعين..كان في معن ولاد كمان..ما قدرت صدق..هالقد في بشر
انخطفن ناس بيحبوهم مثل ما صار فيني أنا وولادي!! ما قدرت استوعب اتو هالقد في ظلم.. وفرد دفعة..!!

نمّل جسمي، ورم راسي.. وقلت بيني وبين حالي أكيد لازم نعمل شي، بس شو، ما بعرف! بعد شوي وقفنا بكي، مسحنا دموعنا، حملنا وجعنا عا كتافنا، نظمنا صفوفنا ومشينا.. وهيك بلّشنا أول مظاهرة. يومنا خلقنا إطار جمعنا ووجدنا، من كل الطوائف والمذاهب والمناطق... سمّيناه لجنة أهالي المخطوفين والمفقودين.

مشينا، ركضنا، اعتصمنا، سكرنا معابر بين الغربية والشرقية، حرقنا دواليب () هلكننا.. بس بصراحة مش هودي الأشياء يلي تعبونا، ولا الرصاص والقذائف.. يّلي هدنا هوي الطريقة البشعة يّلي تعامل فيها المسؤولين معنا وكذبنا علينا سواء بالحرب أو بالسلم..

٣- ولادة أصدقاء لجنة أهالي المخطوفين والمفقودين:

من واجب كل مجتمع واع وكل فرد فيه تحركه مشاعر إنسانية أن يطالب بحق أهالي المفقودين بمعرفة مصير أحبائهم لأنه يجسد العقد الاجتماعي الذي تؤسس عليه المجتمعات.
حملات: "من حقنا أن نعرف". "إعلان ١٣ نيسان يوماً وطنياً للذاكرة". "زورونا". "٤٠ الحرب". "العريضة الوطنية".

٤- السلوك الرسمي تجاه القضية: من واجبات ومسؤوليات السلطات الرسمية البحث عن المفقودين. هكذا فعلت معظم دول العالم التي عاشت حروباً.
في لبنان: استلشاق، ماطلة، حجج ووعود كاذبة، لجان بلا صلاحيات...

تعامل معنا الحكام باستلشاق وخفة. حاولوا يهمشونا نحنا والقضية اللي حاملينا. كذبوا علينا... راهنوا ع مرور الزمن، ظنوا انو بهالأسلوب منتعب، م نياس، م ننسى... بس خاب ظنن، نحنا استمرينا مش لأنو نحنا "سوبروومن" بس لأنو جرحنا كبير وبعد ما اندمل.

بالحرب، تحجّجوا انو سلطنتن ضعيفة قدّام سلطة وهيمنة الأحزاب والميليشيات اللي عم تتقاتل. عواطف ووعود بس ما تحقّق منها شي. "العين بصيرة واليد قصيرة"...

بالسلم، عملوا قانون عفو علّام من شأن المجرم وهمّش الضحية. علّينا الصوت أكثر. جرّبوا يسكتونا بالتهديد حيناً والترغيب أحياناً. طلبوا منّا ننسى أهلنا، نحطّ كل شي ورائنا، نطلّع لقدام، ونخرط بورشة إعادة الإعمار.

نحن ما كنا ضد إعادة الإعمار. بس نحنا اعتبرنا انو كمان البشر بحاجة لإعادة إعمار. وتا يكون الإعمار حقيقي لازم يشمل البشر مش بس الحجر..
إصرارنا وعنادنا على حقنا بمعرفة مصير أحببتنا، وصلّتن إلى تحذيرنا من خطورة حرب جديدة، وتحميلنا إلنا مسؤولية إشعالها!!

ساعة يقولوننا إنّو الأولوية للتحرير من العدو الإسرائيلي.. طوّلوا بالكن، مش وقتنا. وساعة إنّو السوريين مانعين فتح الملف!!

مش بس هيك، اتهمونا إنو بمطالبتنا عم نعكير السلم الأهلي. معقول؟ نحنا أكثر ناس بدنا سلم حقيقي مش سلم مشوّه ومنقوص. لهيك بقينا مكملين.

وقت قطعوا الأمل من قدرتن على إسكاتنا، لجأوا إلى الالتفاف على مطالبنا. شكّلوا لجان بدون صلاحيات. لجان أنتجت تقارير ملفقة وظيفتها تسكير الملف من دون فتح، واستخفاف بحقوق الناس ومشاعرهم. خير دليل عندما أقرت الدولة بحبر لجنّتها الرسمية بارتكاب جرائم حرب وبوجود مقابر جماعية لم تتورّع عن تسمية بعضها، ظناً أنها بذلك تضمن سكوتنا نهائياً طالما هناك مقابر. هيك، وبشحنة قلم موثت مخطوفينا ومفقودينا بالجملة العام ٢٠٠٠ مع أنهم انخطفوا بالمفرّق!

٥- المقابر الجماعية: في تموز العام ٢٠٠٠، أقرت الدولة بوجود مقابر جماعية في لبنان وسمت عدداً منها لكنها لم تتعامل ولم تتخذ بعد ذلك أي إجراء بشأن هذه المقابر.

مع كل عملية حفر لإرساء أساسات لبناء المعابد أو المدارس، أو لحصد الأرز من الحقول، تخرج على السطح بقايا الأجسام المتحللة لضحايا الحرب الفيتنامية، حتى بعد ٤٠ عاماً على نهاية الصراع. والآن، بدأنا نرى جهوداً تسعى لاستخدام تقنيات الحمض النووي الذكية؛ للتعرف على هويّات البقايا العظمية لنصف مليون - أو أكثر - من الجنود الفيتناميين والمدنيين، الذين ما زالوا في عداد المفقودين.

يقول المحارب الفيتنامي المحنك، وأحد رواد علم الوراثة، غريغ فينتر، وهو أيضاً رئيس معهد جامعي في كاليفورنيا: «عندما بلغت العام الواحد والعشرين من عمري، كنتُ أؤدي خدمتي في الفيلق الطبي، ولم أتخيل قط أن مثل هذا المشروع يمكن أن يرى النور. لقد ظننا أن هذه الجثث لا يمكن أن تكون إلا مجرد أرقام، أما الآن، وبعد عقود، أصبح من الممكن أن تكون لها أسماء».

يمكن كثير قاسي اللي رح قولو، اسمعوني وسامحوني إذا ضايقتكن. أعزائي، انتو عايشين فوق مقابر، بالطبع مش عم احكي عن المدافن الطبيعية.. عم احكي عن مقابر جماعية مخبّاية تحت الأرض بشويّة تراب.. يمكن عم قول هالشي بشكل كثير فحّ، ما تأخذوني بس هيدي حقيقة.. مقابر عم تمشوا فوقها، عم تصفّوا السيارات فوقها، عم تعمّروا فوقها، عم تسكنوا فوقها.. عم تاكلوا وتشربوا وتسهروا وترقصوا وتلعبوا فوقها...

من خمسة وتلاتين سنة كنا أكبر منكن بأعماركن هلاً (مش بكتير)، أنا مثلاً كان عمري ٣١ .. في كتار منكن بعد ما كان خلق، ويمكن في بيناتكن كانوا كثير صغار..

اليوم وبعد ٣٥ سنة، نحنا يلّي كنا صبايا حلوين كبرنا شوي.. ايه شوي.. ما تنفّزوا.. صحيح في قسم منّا صار ختیار، قسم مريض، قسم مات، بس هتي معنا.. نحنا مكفايين وعنا ارادة وتصميم..

بحب تعرفوا انو نحنا ما اخترنا نكون أهالي مفقودين.. أنا مثلاً ما اخترت انو ينخطف زوجي، ولا ولادي اختاروا يكونوا ولاد مخطوف، مريم ما اختارت انا تصير أم مفقود وولادا يصيروا اخوة مفقود، ولا أوديت ولا ماغي ولا أم محمد... في حدا تاني كان عم يختار عتاً كل الوقت.. حدا تاني اختار انو نحنا نقضي ٣٥ سنة بالشارع.. اختار عنا كيف منفكر، شو منحس، كيف منام وكيف منوجع..

واليوم بعدو هوي ذاتو عم يختار عنا، بدو يضلّو طامس الحقيقة، ما يخلينا نعرف وين، و يجبرنا انو نمشي فوق عضام رجالنا وولادنا واخوتنا.. انو نسكت وما نقول شي.. انو نعيش نحنا وانتو فوق مقابر، نخرس وما نفتح تم

6- حق المعرفة: مبدأ عام مكرس في القانون الإنساني الدولي. ثم كرّسه القضاء اللبناني العام ٢٠١٤ نتيجة الدعوى التي تقدّمتنا بها إلى مجلس شورى الدولة. **حق غير قابل للمساومة.**

هالطريقة بالتعاطي مع قضيتنا زادت وجعنا. كمان زادت عزيمتنا ووعينا وتمسكنا بحق المعرفة.

نحن النسوان، صحيح إنو قلنا كلمتنا بس ما مشينا.. بقيت الشوارع إلنا، عالمنابر صرنا أقوى وأفعل.

صحيح قلنا كلمتنا، بس السلم ما قرّب صوبنا. أساساً لأنو السلم اللي اتفقوا عليه هوّ ع قياسن مش ع قياس الناس. سطحي، فوقى، وهمي، اقتصر عا تبويس اللحي بين زعماء الأفرقاء المتقاتلة.

نحننا كملنا لأنو كنا شايفين، وبعدها لهلاً، انو مستحيل نعيش الحاضر باستقرار وطمأنينة. إنو نخطّط لمستقبل آمن ومزدهر، لجبل ولادنا ولجبلكن، إذا ما واجهنا الماضي، إذا ما عالجننا مآسيه وأضرار ووسياتو. إذا ما تصالحننا معو.

لازم نعرف إنو كل الدول الحضارية بالعالم يّلي صار فيا حروب . ما حدا منن تنكّر لماضيّه، لتاريخو مهما كان أسود وبشع، وملطّخ بجرايم ودم (أمثلة جنوب افريقيا، الأرجنتين، المغرب، البوسنة والهرسك...).

٧- نحننا والصليب الأحمر الدولي:

حليف أساسي. جمع المعلومات عن الأشخاص ما قبل الاختفاء، بدء جمع العينات البيولوجية. تسليمه نسخة عن ملف التحقيق.

٨- نحننا والعدالة

الاطار القانوني لمعالجة قضية المفقودين هو الاتفاقية الدولية لحماية جميع الأشخاص من الاختفاء القسري. لبنان لم ينضم اليها بعد.

ازدواجية العدالة في لبنان:

- أن العدالة هي عدالة "الشخصيات"، عدالة القادة وكبار القوم، وفق الخطاب الرسمي.
- هذا يختلف جوهرياً عن المعنى الثاني الذي نتبناه نحن، أهالي المفقودين، ومفاده أن العدالة التي نطالب بها هي عدالة الناس العاديين في وجه كل مستقو ظالم، وهي عدالة تزداد ضرورة والحاحا كلما قل شأن المظلوم وزادت قوة الظالم.. على اعتبار أن هدف العدل هو أولاً نصره أضعف أبناء المجتمع ضد أقواهم.
- أن عدالة المشاهير مطلوبة مهما كان الثمن بخلاف الناس العاديين الذين يجدر طمس قضاياهم ونسيانهم في كل حال، أيا كانت فظاعة الجرم المرتكب ضدهم، حتى لو بلغ حد المقبرة الجماعية. هذا هو فحوى الخطاب الرسمي

نحننا ما بدنا نحاسب ع الماضي،

نحننا ما عم نطالب بالغاء ولا تعديل قانون العفو. نحننا بس بدنا نعرف .

- نحننا مع العدالة التصالحية ولسنا مع العدالة العقابية.

٩- أرشيف لجنة الأهالي: مأسسته ونقله من الحيز الخاص إلى الحيز العام.

بحب قلّكن أنّو يّلي قدرنا نوصلو عا مدار ٣٥ سنة ما تستهينوا فيه.. وثّقنا كلّو ورقياً. هلاً عم نشغل عليه لنحوّلوا لأرشيف رقمي، فيكن تساهموا بإنجازو ليصير بمتناول كل الناس والمهتمين.. للاطلاع عليه، لتحفيز استعماله لإجراء الدراسات والأبحاث. هذا جزء من تاريخنا ما لازم ينكب.

١٠- العريضة الوطنية/ مشروع الحل:

مشروع الحل يّلي رسمنا بعد هالمسيرة الطويلة.. هوي ترجمة لقرار مجلس شوري الدولة اللي كرّس حقنا بالمعرفة. هوي عسارة نضالنا، هوي، هوي المدخل لخلاصنا، وخلص البلد. وهوي موضوع حملة العريضة الوطنية للمفقودين اللي أطلقناها بنيسان الماضي (الذكرى ٤٢ للحرب) والمستمرة حتى أواسط الشهر المقبل (تشرين الثاني ٢٠١٧).

mrWnmy/www.goo.gl

١١- نحنا جيل الحرب: حذاري، حذاري منها.. إنتو شو رح تعملوا؟

خلص بعد فيكن تتحمّلوا كذب وتلطي ورا حكي وشعارات عن الأخلاق ومجد لبنان مهد الأديان والثقافات... بعد فيكن تقبلوا الهوبرة والتفاخر بالكرم اللبناني، بأكبر سيخ لحمة وصحن حمص، بأطيب كباية ليموناضة!! بعتمد أنّو ما في شعب بالعالم قدر يعمل يّلي نحنا عملناه.. بفتكر ما حدا قدر رقص فوق مقبرة جماعية، نحنا.. قدرنا (!..)

قولكن، شو لازم نعمل، تعملوا، تا نرجع نصير بشر؟

مثل ما سبق وقلت، في كتار منكن ماكان معو خبر، بسّ اليوم صرتو بتعرفوا.. يعني بكرة تغيّر لأنكن صرتو بتعرفوا..

بكرة رح تفكروا بهالشّي انتو وجايين عا جامعتكن، انتو وراجعين عا ببيتكن، انتو ورايحين عالسهرة، عالسينما ووين ما كنتو..

اليوم خبرتكن، باسم الأهالي، هيدا السر يّلي هتي بيعرفو وعاضين عليه من كذا سنة وناطرين هاللحظة تيسألوكن لأنّو صرتو بتعرفوا: .. كيف بدكن تعيشوا.. كيف بدكن تكملوا.. شو رح تعملوا بكرة.. شو رح تقرروا؟

قضيتنا عنوانها "حقنا أن نعرف"، اليوم صار العنوان "حقن تعرفوا"، مش بس مصير المفقودين، من دون التقليل من أهمية هالشّي، لازم تتعلموا من الحرب ومآسيا تما تنعاد.. تا تبعدوا عن الكراهية والأحقاد، يلي للأسف، هالمشاعر بعدا معششة بعقول كثير ناس بهالبلد...

أعزائي، وعبركم إلى كل شباب وصبايا لبنان، بتمنى تفكروا بحالكن، بمستقبلكن. تسألوا حالكن إذا إنتو معنيين بهالقضية، إذا إنتو عندكن مسؤولية تجاهها، إذا لازم تجربوا تخلّوا كل الناس يكونوا معكن تا تكملوا مشوار الحقيقة والكرامة والعدالة..وتا تمنعوا مسلسل الخطف اللي بعدو عم يطل براسو من وقت لآخر ما يرجع يتكرر ..ويهدّد كل واحد بهالبلد.. بعد ما نسينا مأساة العسكريين وأهاليّن !!..
منتمنى انو هلي قدرنا نزرعو عا مدار هالسنين يزهر عا ايديكن.. ونعرف شو صار مع أحبانا يلي هني اخواتكن بالمواطنة.. شو صار مع الـ١٧٠٠٠ يلي انخطفوا وانفقوا بهالبلد..ساعتنا كلنا منرتاح وكل الأهالي حتى يلي ماتوا قبل ما يعرفوا شو صار بولادن..
ساعتنا منكون فعلاً بلّشنا نكتب تاريخ، بلّشنا نحسّ انو فعلاً عايشين بوطن..أنو صرنا مواطنين.. مش رعايا تابعين للطوايف ولا أزالام للزعما..

Email: lebkidnapped@righttoknow961.org

Kidnapped961@yahoo.com

Facebook: right to know حقنا نعرف

Cel:03706685